

REGIONAL NEWS UNIT  
ALL INDIA RADIO, AGARTALA  
Date: 04-04-2024  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) লোকসভা নির্বাচনের দ্বিতীয় ধাপের মনোনয়ন জমা দেওয়ার কাজ আজ শেষ হয়েছে ।
- (২) পূর্ব ত্রিপুরা লোকসভা আসনের প্রতিদ্বন্দ্বিতার জন্য মোট ৯ জন প্রার্থী মনোনয়নপত্র জমা দিয়েছেন ।
- (৩) ভারতীয় আবহাওয়া বিভাগ থেকে আগামী চারদিন দেশের বিভিন্ন অংশে তাপপ্রবাহের সতর্কতা জারি করেছে ।
- (৪) টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেট প্রতিযোগিতায় দুটি খেলায় তরুণ সংঘ কোচিং সেন্টার ও ব্লাডমাউথ ক্লাব জয়লাভ করেছে ।

\*\*\*\*\*

Submission of nomination Complete :

লোকসভা নির্বাচনের দ্বিতীয় ধাপের মনোনয়নপত্র জমা দেওয়ার কাজ আজ শেষ হয়েছে। এই পর্বে আউটার মণিপুর লোকসভা কেন্দ্রের কিছু অংশের সঙ্গে ১২টি রাজ্য এবং কেন্দ্রশাসিত অঞ্চলের ৮৮টি লোকসভা আসনে নির্বাচন অনুষ্ঠিত হবে।  
কেরালার ২০টি, কর্ণাটকের ১৪টি, রাজস্থানের ১৩টি আসন,

উত্তরপ্রদেশ ও মহারাষ্ট্রের আটটি আসন, মধ্যপ্রদেশের সাতটি, আসাম ও বিহারে পাঁচটি আসন, পশ্চিমবঙ্গ ও ছত্তিশগড়ের তিনটি করে আসন ও মণিপুর, ত্রিপুরা এবং জম্মু ও কাশ্মীরে একটি করে আসনে এই দ্বিতীয় দফায় ভোট হবে। এই পর্বের ভোট হবে ২৬শে এপ্রিল। জম্মু ও কাশ্মীর ছাড়া সমস্ত রাজ্য ও কেন্দ্রশাসিত অঞ্চলে মনোনয়ন পত্র পরীক্ষা করা হবে আগামীকাল। জম্মু ও কাশ্মীরে, ৬ই এপ্রিল মনোনয়ন পত্র পরীক্ষা করা হবে।

\*\*\*\*\*

#### **East Tripura Constituency-nomination :**

পূর্ব ত্রিপুরা লোকসভা আসনের নির্বাচনে মনোনয়নপত্র গ্রহণের কাজ আজ শেষ হয়েছে। মনোনয়নপত্রগুলি আগামীকাল পরীক্ষা করা হবে। মনোনয়নপত্র প্রত্যাহারের শেষ দিন আগামী ৮ই এপ্রিল। পূর্ব ত্রিপুরা লোকসভা আসনের রিটার্নিং অফিসার তথা ধলাই জেলার জেলাশাসক সাজু ওয়াহিদ আজ সাংবাদিক সম্মেলনে জানান, এই নির্বাচনের প্রতিদ্বন্দ্বিতার জন্য মোট ৯ জন প্রার্থী মনোনয়নপত্র দাখিল করেছেন। প্রার্থীরা হলেন বিজেপির কৃতি দেবী দেববর্মণ, সিপিআই(এম)-র রাজেন্দ্র রিয়াং, আই এন পি টি শিব চন্দ্র দেববর্মা। তাছাড়া নির্দল প্রার্থীরা হলেন কৃষ্ণ মোহন জমাতিয়া, দর্শন কুমার রিয়াং, কল্প মোহন ত্রিপুরা, শত্ৰুঘ্ন জমাতিয়া, সন্তুজয় ত্রিপুরা ও অর্চনা ওরাং।

\*\*\*\*\*

#### **Security Forces :**

মুখ্য নির্বাচনী আধিকারিক পুনীত আগরওয়াল আজ জানিয়েছেন, রাজ্যে দুটি লোকসভা আসন নির্বাচন এবং রামনগর বিধানসভা আসনের উপনির্বাচনকে অবাধ ও শান্তিপূর্ণভাবে সম্পন্ন করার জন্য পর্যাপ্ত নিরাপত্তা ব্যবস্থা গ্রহণ করা হয়েছে। রাজ্যে মোট ১০০ কোম্পানী আধা সামরিক বাহিনীর জওয়ান মোতায়েন করার পরিকল্পনা নেওয়া হয়েছে। ইতিমধ্যে ৭০ কোম্পানির বেশি নিরাপত্তা কর্মী রাজ্যে পৌঁছে গেছে। আজ সকালেও কয়েক কোম্পানী নিরাপত্তা কর্মী রাজ্যে এসে পৌঁছেছেন। রাজ্যে প্রায় সর্বত্র আইন-শৃঙ্খলা স্বাভাবিক রাখার জন্য পুলিশ ও কেন্দ্রীয় নিরাপত্তা বাহিনীর টহল অব্যাহত রয়েছে। বিভিন্ন হোটেলে বহিরাগতরা আশ্রয় নিয়েছে কিনা তাও খতিয়ে দেখা হচ্ছে।

\*\*\*\*\*

#### **Review meeting on Election :**

মুখ্য নির্বাচনী আধিকারিক পুনীত আগরওয়াল লোকসভা নির্বাচনের প্রস্তুতি খতিয়ে দেখতে আজ সিপাহীজলা জেলার বিশালগড় টাউন হলে পর্যালোচনা বৈঠক করেন। তার আগে তিনি জেলার উত্তর প্রান্তের প্রবেশদ্বার উত্তম ভক্ত চৌমুহনীর নাকা পয়েন্টে কর্তব্যরত নিরাপত্তা কর্মীদের সঙ্গে কথা বলেন। পর্যালোচনা বৈঠকে উপস্থিত ছিলেন রাজ্য পুলিশের নোডাল অফিসার জি.এস রাও, CRPF - এর আই.জি, ডি.এল গোলা, জেলা নির্বাচনী আধিকারিক নাগেশ কুমার বি, পুলিশ সুপার বি.জে রেড্ডি সহ পুলিশ ও প্রশাসনের অন্যান্য পদস্থ আধিকারিকরা। পর্যালোচনা বৈঠক শেষে মুখ্য নির্বাচনী অধিকারী সাংবাদিকদের জানান, অবাধ, সুষ্ঠু ও শান্তিপূর্ণ নির্বাচন করার লক্ষ্যেই এই পর্যালোচনা বৈঠক করা হয়েছে। নির্বাচনকে কেন্দ্র করে কোন ধরনে অভিযোগ বা অনিয়ম যেন

না হয় তার জন্য ব্যবস্থা করা হচ্ছে নির্বাচন কমিশনের পক্ষ থেকে।

\*\*\*\*\*

**Awareness Rally of women polling Personnel-  
Khowai :**

গণতন্ত্রকে আরও সুদৃঢ় করার লক্ষ্যে আসন্ন লোকসভা নির্বাচনে সবাইকে ভোট দানে এগিয়ে আসার আহ্বান জানিয়ে আজ খোয়াই জেলা প্রশাসনের উদ্যোগে মহিলা ভোট কর্মীদের এক সচেতনতামূলক মিছিল খোয়াই শহরের বিভিন্ন পথ পরিক্রমা করে। মিছিলে অংশগ্রহণ করেন খোয়াই জেলার জেলাশাসক চাঁন্দিনী চন্দ্রান, খোয়াই মহকুমা ম্যাজিস্ট্রেট মেঘা জৈন, খোয়াই মহিলা থানার পুলিশ কর্মীরা।

\*\*\*\*\*

**Sonia Gandhi takes oath :**

কংগ্রেসের বরিষ্ঠ নেত্রী সোনিয়া গান্ধী আজ রাজ্যসভার সাংসদ হিসাবে শপথ গ্রহণ করেছেন। তিনি রাজস্থান থেকে রাজ্যসভার সাংসদ হিসাবে নির্বাচিত হয়েছেন। রাজ্যসভার চেয়ারম্যান জগদীপ ধনখড় আজ সোনিয়া গান্ধীকে শপথবাক্য পাঠ করান।

\*\*\*\*\*

**One person killed at Sonamura Border :**

পাচার বাণিজ্যকে কেন্দ্র করে গতকাল রাতে সোনামুড়া মহকুমার দুর্গাপুর আন্তর্জাতিক ভারত-বাংলাদেশ সীমান্ত এলাকায় বি.এস.এফের গুলিতে ১ ব্যক্তি নিহত ও ১ ব্যক্তি আহত

হয়েছেন। ঘটনার খবর পেয়ে রাতেই সিপাহীজলা জেলার পুলিশ সুপার বি.জে রেড্ডি জানিয়েছেন, দুর্গাপুর সীমান্ত দিয়ে কিছু সামগ্রী পাচার করছিল একদল পাচারকারী। এই পাচার কাজে বাধা দেয় কর্তব্যরত বি.এস.এফ জওয়ানরা। এতে পাচারকারী ও বি.এস.এফের মধ্যে প্রথমে বাকবিতন্ডা ও পরে হাতাহাতি হয়। পাচারকারীদের আক্রমণে এক জওয়ান আহত হয়। ওই সময়ে বি.এস.এফ আত্মরক্ষার্থে গুলি চালায়। গ্রামবাসীদের সঙ্গে কথা বলার পর পুলিশ সুপার শ্রী রেড্ডি জানিয়েছেন, এই ঘটনার সুষ্ঠু তদন্ত হবে।

এদিকে বিএসএফের শালবাগান সদর দপ্তরের জন সংযোগ আধিকারিক জানিয়েছেন, পাচারকারীদের আক্রমণে তিনজন বি.এস.এফ জওয়ান আহত হয়। সোনামুড়া থানায় বিএসএফের পক্ষ থেকে একটি মামলা দায়ের করা হয়েছে।

\*\*\*\*\*

#### **Weather :**

ভারতীয় আবহাওয়া বিভাগ থেকে আগামী চারদিন দেশের বিভিন্ন অংশে তাপপ্রবাহের সতর্কতা জারি করেছে। কর্ণাটকের উত্তরাংশ, উড়িষ্যা, পশ্চিমবঙ্গ ও উরিষ্যার উপকূলবর্তী অঞ্চল, ঝাড়খন্ড ও তেলেঙ্গানায় তাপপ্রবাহের সম্ভাবনা রয়েছে। অপরদিকে অরুণাচল প্রদেশ, আসাম, মেঘালয়, নাগাল্যান্ড, মণিপুর ও মিজোরামে বজ্র বিদ্যুৎ সহ বৃষ্টিপাতের সম্ভাবনা রয়েছে। এদিকে আগরতলায় আবহাওয়া বিভাগ থেকে জানানো হয়েছে, আগামীকাল রাজ্যের বিভিন্ন স্থানে আকাশ আংশিক মেঘাচ্ছন্ন থাকবে। কিছু জায়গায়

বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। আগামীকাল তাপমাত্রা সর্বোচ্চ পঁয়ত্রিশ ডিগ্রী এবং সর্বনিম্ন ছাব্বিশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল পঁয়ত্রিশ দশমিক ছয় ডিগ্রী এবং সর্বনিম্ন পঁচিশ দশমিক চার ডিগ্রী সেলসিয়াস। আগামী চব্বিশ ঘন্টায় রাজ্যের উত্তর, উনকোটি এবং ধলাই জেলায় বিক্ষিপ্তভাবে বজ্র বিদ্যুত সহ বৃষ্টি সঙ্গে ঘন্টায় ত্রিশ থেকে চল্লিশ কিলোমিটার বেগে ঝড়ো হাওয়া বয়ে যাওয়ার সতর্কতা জারি করেছে আবহাওয়া দপ্তর।

\*\*\*\*\*

**Sushanta Choudhury :**

রানীরবাজার গীতাঞ্জলি হলে আজ বিজেপির এক সাংগঠনিক বৈঠক অনুষ্ঠিত হয়। বৈঠকে উপস্থিত ছিলেন পর্যটন মন্ত্রী সুশান্ত চৌধুরী। এই বৈঠকে লোকসভা নির্বাচনে দলের প্রস্তুতি নিয়ে আলোচনা হয়।

\*\*\*\*\*

**BJP Campaign-South Tripura :**

সাব্বুরমের কাঁঠালছড়িতে আজ বিজেপির এক নির্বাচনী সভা অনুষ্ঠিত হয়। এই সভায় পূর্ব ত্রিপুরা লোকসভা আসনের বিজেপি প্রার্থী কৃতি দেবী দেববর্মনের সমর্থনে বক্তব্য রাখেন বিজেপি দক্ষিণ জেলা সভাপতি শংকর রায় ও অন্যান্য নেতৃবৃন্দ।

\*\*\*\*\*

**Election Campaign-BJP :**

রামনগর বিধানসভার উপনির্বাচনে বিজেপি প্রার্থী দীপক মজুমদারের সমর্থনে আজ আগরতলার বর্ডার গোলচক্কর বাজার এলাকায় এক নির্বাচনী সমাবেশে উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, পর্যটন মন্ত্রী সুশান্ত চৌধুরী, বিজেপি রাজ্য সভাপতি রাজীব ভট্টাচার্য, বিজেপি প্রার্থী দীপক মজুমদার। সমাবেশে বক্তব্য রাখতে গিয়ে মুখ্যমন্ত্রী রাজ্যে অবাধ ও সুষ্ঠু নির্বাচনের উপর গুরুত্ব আরোপ করেন।

\*\*\*\*\*

#### **Road show of BJP-Bishalgarh :**

পশ্চিম ত্রিপুরা লোকসভা আসনের বিজেপি প্রার্থী বিপ্লব কুমার দেবকে নিয়ে আজ বিশালগড়ে এক রোড শো-র আয়োজন করা হয়। বিজেপি বিশালগড় মন্ডল কমিটি আয়োজিত এই রোড শো-এ শুরু হয় অফিসটিলা কালীবাড়ি এলাকা থেকে। বাজার ঘুরে শেষ হয় মোটর স্ট্যান্ড সংলগ্ন দলীয় মন্ডল অফিসের সামনে এসে। রোড শো-তে বিজেপির প্রদেশ সভাপতি রাজীব ভট্টাচার্য ও বিধায়ক সুশান্ত দেব উপস্থিত ছিলেন।

\*\*\*\*\*

#### **Election Meeting of CPIM at Kalyanpur :**

পূর্ব ত্রিপুরা লোকসভা আসনে ইন্ডিয়া ব্লক সমর্থিত সিপিআইএম প্রার্থী রাজেন্দ্র রিয়াং এর সমর্থনে আজ কল্যাণপুরে একটি নির্বাচনী সভায় বক্তব্য রাখেন বিরোধী দলনেতা জিতেন্দ্র চৌধুরী, প্রাক্তন বিধায়ক মনীন্দ্র দাস, সি পি আই এম খোয়াই জেলা সম্পাদক রঞ্জিত দেববর্মা, মহকুমা সম্পাদক হেমন্ত কুমার

জমাতিয়া, কংগ্ৰেস এৰ পক্ষ ছিলেন কনভেনৰ কাৰ্তিক দেবনাথ, বিধান দেববৰ্মা ও সিপিআইএম প্ৰাৰ্থী ৰাজেন্দ্ৰ ৰিয়াং প্ৰমুখ।

\*\*\*\*\*

#### **Congress Press Meet :**

কংগ্ৰেসেৰ সৰ্বভাৰতীয় নেত্ৰী তথা এআইসিসি'ৰ সম্পাদিকা জাৰিতা লাইতফ্লাং আজ আগৰতলায় সাংবাদিক সম্মেলনে অভিযোগ কৰেন বিভিন্ন এলাকায় কংগ্ৰেস দলেৰ প্ৰচাৰ সজ্জা নষ্ট কৰা হছে। এব্যাপাৰে কংগ্ৰেস দলেৰ পক্ষ থেকে নিৰ্বাচন কমিশনেৰ অভিযোগ জানানো হয়েছে।

\*\*\*\*\*

#### **India Block-Campaign :**

পশ্চিম ত্ৰিপুৰা লোকসভা আসনেৰ ইন্ডিয়া ব্লক সমৰ্থিত কংগ্ৰেস প্ৰাৰ্থী আশীষ কুমাৰ সাহাৰ সমৰ্থনে দক্ষিণ জেলায় বেশ কয়েকটি স্থানে নিৰ্বাচনী সভা অনুষ্ঠিত হয়। বড়পাথৰী, নীহাৰনগৰ, চোত্তাখলা, ডিমাতলি, ৰাঙামুড়া, ৰাধানগৰ, ৰাজনগৰ ও ভাতখলায় আয়োজিত এই নিৰ্বাচনী সভাগুলিতে বক্তব্য ৰাখেন বিধায়ক দীপংকৰ সেন ও অশোক কুমাৰ মিত্ৰ, সিপিআইএম দক্ষিণ জেলা সম্পাদক বাসুদেব মজুমদাৰ, প্ৰাক্তন বিধায়ক সুধন দাস, সিপিআইএম নেতা তাপস দত্ত, কংগ্ৰেস নেতা মিলন কৰ, নিৰঞ্জন দাস ও কংগ্ৰেস প্ৰাৰ্থী আশীষ কুমাৰ সাহা।

\*\*\*\*\*

#### **Tripura Senior Citizen-Meeting :**



আগরতলা প্রেস ক্লাবে আজ ত্রিপুরা সিনিয়র সিটিজেন ও পেনশনার্স সংঘের উদ্যোগে রাজ্যের প্রবীণ নাগরিক ও পেনশনার্সদের নিয়ে এক সভা অনুষ্ঠিত হয়। সভায় পশ্চিম ত্রিপুরা লোকসভা আসনের প্রার্থী বিপ্লব কুমার দেব, পূর্ব ত্রিপুরা লোকসভা আসনের প্রার্থী কৃতি সিং দেববর্মা ও রামনগর বিধানসভা উপনির্বাচনের প্রার্থী দীপক মজুমদারের সমর্থনে বক্তারা আলোচনা করেন। উপস্থিত ছিলেন সংগঠনের সভাপতি রঞ্জিত দে সহ অন্যান্যরা।

\*\*\*\*\*

#### **Ganamancha-Pressmeet :**

গণমঞ্চের কেন্দ্রীয় কমিটির ওয়ার্কিং প্রেসিডেন্ট সুব্রত ভৌমিক আজ আগরতলা প্রেসক্লাবে এক সাংবাদিক সম্মেলনে দেশের গণতন্ত্র, সংবিধান এবং যুক্তরাষ্ট্রীয় কাঠামোকে অক্ষুণ্ন রাখার উপর গুরুত্ব আরোপ করেন। তিনি লোকসভা নির্বাচনকে কেন্দ্র করে ইন্ডিয়া জোট গঠনের প্রয়োজনীয়তা সম্পর্কেও ব্যাখ্যা করেন। সাংবাদিক সম্মেলনে উপস্থিত ছিলেন গণমঞ্চের সম্পাদক প্রদ্যুৎ মজুমদার।

\*\*\*\*\*

#### **Chaitra Mela :**

আগরতলা পুর নিগমের ব্যবস্থাপনায় আজ থেকে আগরতলা শহরে ১০ দিনব্যাপী চৈত্র মেলা শুরু হয়েছে। শহরের শকুন্তলা রোড ও ওরিয়েন্ট চৌমুহনি সংলগ্ন রাস্তায় দুপাশে এই চৈত্র মেলায় দোকানীরা পসার সামগ্রী নিয়ে বসেছেন।

\*\*\*\*\*

## **Press meet SP South :**

দক্ষিণ জেলার পুলিশ সুপার অশোক কুমার সিনহা বিলোনিয়া থানায় আজ এক সাংবাদিক সম্মেলনে জানান, কলকাতার জোড়াসাঁকো থানার সহায়তায় রাজ্য পুলিশ গতকাল রাঙামুড়ার ঝুমন মিয়া নামে এক নারী পাচারকারীকে গ্রেপ্তার করেছে। আমজাদনগরের এক নাবালিকা মেয়েকে বিদেশে পাচারের জন্য অপহরণ করে নিয়ে যায় বলে গত ২৬শে মার্চ বিলোনিয়া থানায় একটি অভিযোগ জমা পড়ে। এই অভিযোগের ভিত্তিতে তদন্ত করে পুলিশ জোড়াসাঁকো থানার সহায়তায় নাবালিকা মেয়েটিকেও উদ্ধার করে। মামলার তদন্তকারী অফিসার সহ পুলিশের ৩ জনের একটি বিশেষ টিম কলকাতা থেকে অভিযুক্তকে ট্রানজিট রিমান্ডে গতকাল বিলোনিয়া থানায় নিয়ে আসে। ভারতীয় দণ্ডবিধির ৩৬৬ এ/৩৪ ধারামূলে মামলা নথিভুক্ত করে অভিযুক্তকে জিজ্ঞাসাবাদ করা হচ্ছে বলে জেলা পুলিশ সুপার জানিয়েছেন।

\*\*\*\*\*

## **Women's Cricket :**

টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেট প্রতিযোগিতার আজ অনুষ্ঠিত দুটি খেলায় তরুণ সংঘ কোচিং সেন্টার ও ব্লাডমাউথ ক্লাব জয়লাভ করেছে। তালতলা মাঠে অনুষ্ঠিত খেলায় তরুণ সংঘ কোচিং সেন্টার ৯৩ রানে জুটমিল কোচিং সেন্টারকে এবং মেলাঘরে অনুষ্ঠিত অপর খেলায় ব্লাডমাউথ ক্লাব ১০ উইকেটে চাম্পামুড়া কোচিং সেন্টারকে হারিয়ে দেয়।

\*\*\*\*\*

## T20 Cricket :

টিসিএ পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতায় আজ দুটি খেলা অনুষ্ঠিত হয়। নরসিংগড়ের টিআইটি মাঠে অনুষ্ঠিত খেলায় ব্লাডমাউথ ক্লাব ১৩ রানে পোলস্টার ক্লাবকে হারিয়ে দেয়। এম বি বি স্টেডিয়ামে অপর খেলায় ইউনাইটেড ফ্রেন্ডস ৬১ রানে ওল্ড প্লে সেন্টারকে পরাজিত করে।

\*\*\*\*\*